

# FLOREAN DAL PALAZZ

Al salto fur la Joibe - Ogni doi numars 5 centesims l'un - Bez subit

Si vendin là vie da l'Edicula e dai principai Tabachins dal centro e là vie di sior Luigi Ferri.

Abonamens par l'interno oo An quatri francs; 6 mes doi francs; par l'estero il dopli.

**Inserzioni:** istindisi cu l'Aministrazion. Manda a bez d'un letare raccomandade o in vaglia postal al sempit indirizz: — **Aministrazion dal Florean dal Palazz, Udin.**

## Riflessions di Florean

### Caritat ufizial.

Al jere un piezz che o ricevevi solcitazions di ogni bande par che o scrivev sun chest argoment veramentri spinos e disgustos.

No hai mai vut l'estro, la voa, ma, uè propriit no pùes fa di manco e o scriv. E o, visi che o scriv in general, no intind di toçia Udin, pluitost che Trevis, o Milan.

La caritat ufizial e jè la piès caritat che si puedi fa.

E umilie, e insulte, no jude nissun, o almanco cui che al merite di jessi judat.

O mi spieghi.

Ciart al è che se la miserie no jè grande, and'è pòs che han la voa di mostrà la misera domanda la caritat. Si parcechè, us garantis jò, che al costè une vora par cui che al ha, un poce di dignitat e di amor propri a la a presentassi davanti cui che al è incaricat di rapresentà la caritat ufizial.

Chest tal intant al ricev cun t'una ciere come che al capitàs tal so ufizi un'impestat o coleros.

E us domandarà cun t'una manierate di fa colà lis giambis.

— *Caritat in caritate*

— Ma sior — e rispuindarès vo cun vòs umil e somesse — o soi vignut a implorà la caritat. Ce uelial, o soi senze lavor da tre mes, o soi malat in mūd che nissun cul vemi a lavorà, o hai cinq früss a ciase che stan in t' un zej e che no han nuje ce mangià, dutt chell poc che o vevi al è sfumat te malatie de une femine che al è un mes che jè muarte; dunce che al viodi lui se no soi avonde disgraziat....

— Si si, baste, baste; no ocorin tang piangi-ateos; vait, e vignarà la Cumission.

Spiete ciaval che la jarbe cresci. La Cumission e ven quand che i comude, che si sa. Lor e laràn a, disjustasi pai disperàs: se son puara che muerin, cuasi a finassin di sufri. Cheste e jè la moderna filosofia.

Dunce, tornand in ciarezade e càpite chesta Cumission in ciase dal puar omp. Il quadri nol po jessi plui brutt, plui straziant, plui oribil. Ma chei de Cumission e son usas a viodi chestis robis e po bisugne, par podè esercit ches carichis, fa il our fuart. E se no, i orès altri!

Dutt in chell lug al spire miserie, fan, desolazione. Ma un de Cumission al ciate che te ciamare, dulà che duarmin pari e fils, al è un gran jett, la cocete di matrimoni.

Al dà une menade di ciav e al bruntule su.

— Vo e vès bisugne di caritat, po no veso li une bieie cocete? — E la Cumission e ciave su il treteun e vie. E intant il pari vedul, impotent, malat, cun quatri früss che han fan, cul aft di ciase di pajà, che al ricori a la caritat ufizial cun chell biell costrutt. Umiliazion senze otign nuje.

A chesti proposit mi riquardi un anèdoto.

Si tratave di une distribuzion di une ciarte sume di bez ai puars di ogni parochie.

I puars si avanzavin man man al incaricat de Cumission, quand che si presente une puare femine, vistude miseramentri, ma che veve tor il cuell un fazzolett di color.

L'incaricat al domande:

— Cui seso vo?

— La tal dai tai.

— Ah o hai capit. Vo e vès un biell fazzolett tor il cuell e vait cun Dio. Par vo nol è nuje.

Ma anin indenant cùl nestri argument.

La caritat ufizial e ha un vizi organich; che sei, eserçitade a Udin, a Milan o a Turin e jè simpri che istesse.

Però no jè simpri crudel la caritat ufizial; qualche volte si comov, e devente tenere, va e no va che si buti anca in lagrimis.

Ma saveso quand? Diambar! Faseit cont che si presenti une siore in ciapiell a l'ufizi. L'impiegat al tire ju il ciapiell, che al ten simpri sul ciap quand che al capite un pezzent, un mendich qualunque. Al si alze de ciadree, al va premurosamentri incuintri a la siore, i ufizi di sentasi, disingi cun t'una vòs plene di mil.

— La prei, siore, che si comudi. In ce puedio servile, che mi disi, la prei.

— O hai fevelat cùl cont tal, cùl cavalir tal altri, cùl comandator... e mi han assicurat che cùl prin dal mes mi sarès passat l'asegno stabilit....

— Ah sissignore, al è fatt dutt sae, che no s'incomodi je; anzi la visi che no ocor che vadi a tirà i bez da l'incaricat de parochie, ah no l'ocor che si disturbi, i bez i vignarari puartas la di classe. E vin ben in note il so indirizz. A proposit stae in prin o second plan dal palazz...

— Mi maravei di lui!... In prin, in prin plan, diambar!

— Va ben, va ben, che perdoni siore.

E cussì disind cun mill complimente e riverenzia al compagne la siore, sussidiade da la caritat ufizial, fin su la puarte.

No jè nance lade fur cheste siore che sta in prin plan di un palazz, che s'invie a l'ufizi une puare femine cun t'un frutt in brazz, e doi che si picin tes cotulis dutis sbridinadis. Altris doi, plui grandis, e vegnin daur.

Ma par uè baste, o continuerai la dolorose istorie, tal prossim numar.

## Chell che Florean al sint senze oî

Dialogo fra Tite Lung e Zuan Frusin

— Ah Tite, Tite!

— Ah Zuan, Zuan!

— Ce isal?

— Ce isal?

— Ma! O hai paure che si messedi un brutt afar.

— Che al è?

— Al è che cumò i Tribunai, lis Preturis, l'Apelo, e han ogni dì di ocupassi di robis che

no valin une pipe di tabac, di petegolezz, di nainis, di dispièa, di pizzui scandui e tantis altris robatis che fasin propri stomit ai cians.

— E jè vere sastu, ma e jè la sozietat guastade e l'esempli ju vin da l'alt. Cumò dutt al è petegolezz, la pulitiche, la diplomazie, il teatro, l'art: dutt petegolezz.

— E cussì il petegolezz al ha invadut anche lis salis de Justizie.

— Puare Justizie!

— Ben, ben lassin chestis malincunts e dimi, se tu sas, alc di gnuv.

— Ce ustu che ti disi; altri che robis che displasin.

— Par esempi?

— Par esempi, no hastu lett l'afar de perequazion fondaria?

— Ce ustu mai che o m'intindi jo di chei afars là! Ce robe ise cheste perequazion?

— Ma se tu us che o ti disi la veretat an capis: poc anca jo sastu, ma da chell che o hai podut capì mi par che si trati di fa un operazion mediant la qual si vevi di pajà sui fons egualmente dugg: venis e lombars, toscans e romans, napoletans e sicilians, etecetare.

— E saress una biele robe, una robe juste.

— Altri che! Ma parceche e jè une robe juste no farabruje!

— Distu?

— Po si si, come che tu vedaràs che a proposit da la diminuzion de tasse sul sal, e sarin servis come cu va.

— Che al sarès?

— Al sarès che se anca ti diminuissin qualche centesin sul sal, a ti metaràn cùl sa ce tantis altris impuestis gravosis, e che in ultime analisi i tocierà di pajà al puar.

— Ben intindut, e cussì noaltris e sarin simpri che puartarin vie la visciade.

— Ciale po ce nuvitàs. Ti saludi Tite.

— Zuan, a riviodisi.

## Leterature di Florean

Artirs e Contadins.

Jo us e conti solete solete...

La passion di me, poete,

Saress che di sta in campagne,

E mi par che cùl si lagne

Di lontan sta de citat

Vedi tuart in veretat.

Jè une grande differenza  
Prest mitude in evidenze:  
In campagne l'aere pure  
Il sorris de la natura  
Par il prad, par la tavielle  
Che dutt legre, dutt abbelle.

In citat un battabui  
Che nol finiss mai plui:  
Il doman l'è come il nè:  
E sin propri simpri a chè  
Che la vite si strusle  
Ne la gran monotonia.

O sai ben che a l'omp di ville  
L'esistenza no è tranquille  
Che miserie lu euzie!  
Oh' al si strusle, ch' al sfadlie  
D'acquistà — e tant al stente —  
Une fette di polente.

Ma l'artir, credimi a mè,  
Lu eguaglie nel patì...  
Al lavorè tant che un cian  
Uè, inciart fin da 'l doman,  
E al finis e prest e mal  
Su d'un jett... de l'Ospedal!

Pò, fra artir e contadin  
Un divario grand e vin  
Che la vite de citat  
Simpri plui e ha costat  
De modeste e plui tranquille  
Che si mene in une ville.

Cui par vivi al lavoro  
Menà vite no po' siore...  
Ogni annade si faas serie  
Nel progress... de la miserie....  
Si lamentile lu campagne,  
E in citat ognun si lagne!

Ma la vite fatte in ville,  
Lu ripett, jè plui tranquille  
Che no sedi che in citat —  
Differenze jè di stat  
(Se pensale ben olin)  
Fra artesan e contadin.

Dutt vidut e riflettud  
Al è un piez ch' o hai concludud:  
Che la vite di campagne  
Jè miglior che no in citat,  
E che cui di jè si lagne  
Vebi tuart in veretat!

## Da la Zae di Florean

O ricev e o publichi:

« Tal numar passat tu has inserit un articoulut  
che al risguarde chell tal sior in piazze Sant  
Jacum che al piturave sol l'esterno de so buteghe.  
Ma no tu has dit che cheste operazion la faseve  
dopo la miezegnott cun t'un luminut in man e  
cull pinèl ta che altre! »

« Azunz po che al ha volut ance fassi viodi di  
di sfidand cussì l'opinion publiche che no po fa  
di manco di disaprova chestis tangaris a dan dal  
puar artist che al ha bisugne di mangià la  
polente ».

★

Mi mandin par publicà:

« E jè une tal fantazzute, biele frute a di  
la veretat, che va pe so strade e serie, senza  
badà par nufe a lis peraulutis che chell zovin a  
chell altri i direzin passand.

Cenonè, e sòn dai tipos, in une contrade che  
cumò no nomini, ma che o farai publiche se al  
ocorarà di falu, che si divertissin di clamale pèl  
non, di fermale, e di dli ciartis peraulatis in  
mud che la frutate e ven rosse come une bore  
di fug.

Veramentri dula hano imparat la orenze chei  
moscardins?

No hano une sur, une fie, une parint lor; e  
i pararessial bon che a cheste sur, a cheste fie,  
a cheste parint i fasessin chestis nainis? A mi  
mi par di no e tal i pararà a qualunque che al  
vevi un poce di educazion e di cur.

Duncè che fasin il plazè di lassà la frutate  
che vadi in pàs pe so strade, che je no disturbe  
nissun e che pensin un poc ai càs lor senza  
ocupassi di chei dai altris. »

★

Il di dai muars, al cimiteri, e van su e ju  
mari e fi.

Il frutin al leeve su lis lapidis: otim pari, buine  
mari, spose ecelent, bon fi, bon marit, bon citadin.

A un tratt i domande e mame:

— Sint ciare tu mame, se cull e sòn sepellis  
dugg i bogns, i otims, i ecelens, po dula mai  
sepelissino i trisg?

Jè une grande differenza  
Prest mitude in evidenze:  
In campagne l'aere pure  
Il sorris de la natura  
Par il prad, par la tavielle  
Che dutt legre, dutt abbelle.

In citat un battabui  
Che nol finiss mai plui:  
Il doman l'è come il nè:  
E sin propri simpri a chè  
Che la vite si strusle  
Ne la gran monotonia.

O sai ben che a l'omp di ville  
L'esistenza no è tranquille  
Che miserie lu euzie!  
Oh' al si strusle, ch' al sfadlie  
D'acquistà — e tant al stente —  
Une fette di polente.

Ma l'artir, credimi a mè,  
Lu eguaglie nel patì...  
Al lavorè tant che un cian  
Uè, inciart fin da 'l doman,  
E al finis e prest e mal  
Su d'un jett... de l'Ospedal!

Pò, fra artir e contadin  
Un divario grand e vin  
Che la vite de citat  
Simpri plui e ha costat  
De modeste e plui tranquille  
Che si mene in une ville.

Cui par vivi al lavoro  
Menà vite no po' siore...  
Ogni annade si faas serie  
Nel progress... de la miserie....  
Si lamentile lu campagne,  
E in citat ognun si lagne!

Ma la vite fatte in ville,  
Lu ripett, jè plui tranquille  
Che no sedi che in citat —  
Differenze jè di stat  
(Se pensale ben olin)  
Fra artesan e contadin.

Dutt vidut e riflettud  
Al è un piez ch' o hai concludud:  
Che la vite di campagne  
Jè miglior che no in citat,  
E che cui di jè si lagne  
Vebi tuart in veretat!

## Da la Zae di Florean

O ricev e o publichi:

« Tal numar passat tu has inserit un articoulut  
che al risguarde chell tal sior in piazze Sant  
Jacum che al piturave sol l'esterno de so buteghe.  
Ma no tu has dit che cheste operazion la faseve  
dopo la miezegnott cun t'un luminut in man e  
cull pinèl ta che altre! »

« Azunz po che al ha volut ance fassi viodi di  
di sfidand cussì l'opinion publiche che no po fa  
di manco di disaprova chestis tangaris a dan dal  
puar artist che al ha bisugne di mangià la  
polente ».

★

Mi mandin par publicà:

« E jè une tal fantazzute, biele frute a di  
la veretat, che va pe so strade e serie, senze  
badà par nufe a lis peraulutis che chell zovin a  
chell altri i direzin passand.

Cenonè, e sòn dai tipos, in une contrade che  
cumò no nomini, ma che o farai publiche se al  
ocorarà di falu, che si divertissin di clamale pèl  
non, di fermale, e di dli ciartis peraulatis in  
mud che la frutate e ven rosse come une bore  
di fug.

Veramentri dula hano imparat la orenze chei  
moscardins?

No hano une sur, une fie, une parint lor; e  
i pararessial bon che a cheste sur, a cheste fie,  
a cheste parint i fasessin chestis nainis? A mi  
mi par di no e tal i pararà a qualunque che al  
vevi un poce di educazion e di cur.

Duncè che fasin il plazè di lassà la frutate  
che vadi in pàs pe so strade, che je no disturbe  
nissun e che pensin un poc ai càs lor senze  
ocupassi di chei dai altris. »

★

Il di dai muars, al cimiteri, e van su e ju  
mari e fi.

Il frutin al leeve su lis lapidis: otim pari, buine  
mari, spose ecelent, bon fi, bon marit, bon citadin.

A un tratt i domande e mame:

— Sint ciare tu mame, se cull e sòn sepellis  
dugg i bogns, i otims, i ecelens, po dula mai  
sepelissino i trisg?